



ITLF BULLETIN

Issue No 33
20 October 2023

GOVERNOR IN LAMKA HONG PHA

October 18 ni in Manipur Governor Anusuiya Uikey in Lamka hong pha hi. Zingkal dak 10:50 am vel in Wall of Remembrance, Tuibong ah numei dharna tuten ana nang uh hi. ITLF Women Wing Convenor nu in Governor nu kiang ah dharna a tu mipi mai a ei a dia thuhoh hon puak omte gen ding in sawl hi. Governor in thu gen ngei a, relief camps hon enkhe dia hong hoh ahih dan gen hi.

DC leh SP in Governor nu paisak di a hahngetluat ziak un paisak ua, huchi in Governor nu in relief camp nih Tuibong leh M. Songgel ah vehna nei hi.

Governor nu in relief camps nih a veh zoh in Sector 27, Assam Rifle, Tuibong ah ITLF leh ZCSC te toh kimu uhi. ITLF spokesperson in Governor kiang ah Imphal a om i misite uh tungtang gen a, "a tung akipat ka misi luangte uh inn hon tun ding a ka nget gige uh ahi ua, government lam in pre-condition non bawl ziak ua tutan a luang uh hong tunglou ahi. Condition bangmah omlou in ka misi luangte uh zahna sangpen toh ka vuikhiaktheihna ding un hon pekhia un" chi in ngetna bawl hi. Phalbi hong tungpahta ding ahih man in phalbi a poimoh ding relief camps a omte a ding hon ngaihtuah sak in chi in, huai ban ah i political solution uh a kinthei lam a om theihna ding in central government kiang ah hon gen sak ding in le gen hi. Imphal valley a galvan 6000 val kipawkhete zonkhiakna ding in government in pan na lak kei u leh kou mipite lungmuang theilou ka hi uh le chi hi.

ZCSC lam a kipan in Article 371(C) toh kisai dotna bawl in om a, article 371(C) dungzui a Governor in

President kiang ah Manipur singtangmi vai report bangzah vei peta a chih dotna bawl in, bang chi leh article 371(C) hoihtak a function thei di a chihte dotna bawl uhi. Tua ban ah CBI investigation Meiteite a dia kin a, singtangmite a dia bang ziak a kinlou a chih dotna le bawl uhi.

Governor in amah ngeile singtangmi khat hi a, singtangmite haksatna theisiam ahih dan gen in, government in ei a dia poimohte thei a mala ahih dan gen hi. Misi luang toh kisai Chief Secretary toh kihou gige uh ahih dan gen in, a kinthei pen a puakhiak di dan ngaihtuah ahih dan uh gen hi. Relief toh kisai tun le van tampi hon pua ahih dan gen in, political talks le paitou hoih zel ahih dan gen hi. Galvan kilakhete toh kisai leng nasep pai lallel ahih dan gen hi. Article 371(C) toh kisai ahih leh amah ngei leng Manipur governor ahihna naichik ahih man in bangmah report pe nailou ahih dan gen a, article 371(C) nuai a Autonomous District Council election a kinthei lam a sai di ahih dan le gen hi.



ITLF SUPPORTER GROUP AKIPAN IN DONATION ₹1,01,753 LAKHS HONG LUT

Hun paisa ah ITLF in Khouabung frontline panpihna dia public appeal a hon bawl dungzui in, **ITLF Network** group adminte pan la ua, member tuamtuaam a kipan dangka ₹1,01,753 khonkhia uhi. A lemtang masa penpen a frontline-te panpihna piak ding chih ahi.

COMING SOON!



#MANIPUR MAYHEM - KEY PLAYERS & EVENTS

A book by Indigenous Tribal Leaders' Forum (ITLF)

NILAINI SHUTDOWN AH BUAINA OM ZEK

A paisa nilaini 18 October 2023 ni in ngeina bang in ITLF in shutdown bawl a, numei ten Wall of Remembrance, Tuibong ah dharna tu in veng tuamtuaam ah shutdown duty tu uhi. Sunnung in defence pawl khat in numei duty te thau tawi in va hawldalhu ua, numei duty te thangpai mahmah uhi. Meitei gal i dou lai a ei leh ei thau a kivau ding i hi u maw, kam dam a kigen theihlough hi hiam chi in numeite lungkimlou in gen uhi. ITLF makai ten D. Phailien leh Chiengkong a numei duty-te kimuhpih pah ua, thil omdan ngaikhia in, va khamuan pah uhi. Hiai toh kisai in ITLF in mohpaihna thusuah bawl ngal hi.

Social media ah shutdown duty ten ambulance nasan sawlkit ua, damlou naunei kisan sawlkit uhi chih thuthang muh ding hong tam mahmah hi. Hiai toh kisai ITLF Women Wing in suizui pah ua, zan a ITLF Women Wing convenor akipan kiza dan in Ambulance pen in damlou gim pua ahiah ziak in diversion lampi a paisak lou a, lampi mah a paisak ahiah dan ambulance driver akipan thuchian kankhia uhi. Numei naunei toh kisai ahiah leh Bijang lam a numeite duty-te gen dan in auto ah naunei di khat hong pai om a, damtak a ki-enkol dia vaikhak kawm a paisak uh ahiah dan Bijang Women duty ten gen uhi.

Nute zingkal dak 6 akipan duty uh ahiah man un tawl leh gim mahmah ding uhi. Shutdown lai a hon pawtkhe teiteite dotna ana bawl zel na ua, kamsiam zohlouhna le om kha thei ahi a, hiaite

mipi lam in le i theihshiam uh poimoh mahmah hi.

Galdou lai i hih man un ITLF in i gam normal nailou ahi chih lahna le, i thil nget uh munailou i hih dan latsakna in kalkhat a ni khat bek shutdown di chih ahi. Kal khat a ni khat kia shutdown di ahiah man in kua peuhmah hiai ding in kisakhoh chiat in, emergency ziak loungal in shutdown ni a pawtkhelou a kithuman chiat deihhuai mahmah hi.

ITLF LAIBU SUAK DEKTA

Hun bangtan hiam ITLF Media Cell in i gam buaina toh kisai lehkhahu - **#ManipurMayhem - Key Players & Events** kichi a buaipih nung un printing press a print ding in pekheta uhi. Kal nih sung vel a print zoh dia lamet ahi.

Hiai laibu ah Meitei ten ngohna tuamtuaam a hon bawlte uh dawnna bawl in om a, tutung Meitei gal a sihna leh liamna tuakte tangthu bangzah hiam gelh in om a, gam dang a om laigelh siam tuamtuaamte laigelh leh i buaina toh kisai poems bangzah hiam leng tel hi. I buaina kipat akipan "daily incident report" Media cell in ana kaihkhopte le taklat in om a, manpha mahmah ding hi.

Hiai laibu pek 208 pha a, copy 1000 kibawl hi. Matte photo paper quality a kibawl ahiahman in printing cost le sang hi. Printing cost muhkikna ding etna in ₹599 a leittheih ding in kibawl hi. Hiai laibu i ngaklah chiat ua, kua peuh in leichiat ni.

HIAI DAN A ZAW SA MUHNA DI GAMLA DI HIVE AW

Meitei gal i douna uh kha 5 a valta hi. Meitei ten ahon kaplouna uh a hong sawt sim Chiang in gal omnawnlou mah bang in i om ua, ei sung i kikeikei uh hi. Social media ah khat leh khat kisoisel in hun tamzaw i zang ua, poi mahmah hi.

Government pang bel kawmkawm a Separate Administration (SA) muh sawmti i hi uhi. Meitei Government toh i ki separate taktak na dia kha loh (salary) bang le i chan ngam uh ngai dia, government akipan hamphatna relief leh ex-gratia chihte le i chan ngam uh ngai ding ahi. Mizoram in statehood a muhna dia kum tampi haksatna ana tuak ua, sepaih khunung thuk leh a gam uh nasan bomb khum in om uhi.

Eiloi nek ngawl hial in tutan i om nai kei ua i hampha mahmah uhi. Ni khat shutdown i bawl lel ule haksas a a phun i tam mahmah uhi. Govt akipan relief material i chan ngam kei ua, Ex-gratia la bang le i om uhi. Pre-fabricated inn ana lam pawl bang le i om lai ua, lungkham i om sim uhi. Hiai dan a zaw SA i muh ding uh gamla lai di ahi. Kingaihtuah thak ni.

THUTHANG TUAMTUAM

- ✓ Sadar Hills Kangpokpi district sung a Kuki-Zo tate zuih ding leh theih ding in COTU in 19 October 2023 ni in thupuan bawl hi. Gamsung buaina ziak in tutung Christmas leh Kumthak hun ah mipi nekkhawmna omlou ding a, zingkal lam kikhopna hun kia a zat ding in thusuah bawl uhi. Tua ban ah hong tung ding Chavang Kut leng tutung zatlouh phot ding in thupuan bawl uhi.
- ✓ NIA/CBI-te ziak a veng chih a numei duty omte kizaksakna a om nawn ma duty lou phot ding in ITLF Women Wing akipan thutut kimu hi. Huchi himahleh veng teng alert chiat ding in ngetna bawl ua, gim leh tawl khawksa lou a duty ana pawte tengtung ah ITLF Women Wing in kipahtu gen hi. KKL Complex mun a hun paisa a nekdi an ITLF Women Wing in ana huan sek pen uh ITLF heutute akipan thu a muh bang un khawl phot ding in theihsakna bawl uhi.
- ✓ Zo United in zing Chiang 21 October 2023 sunnung dak 1 in meeting 3veina nei ding uhi.
- ✓ UTV 1st batch 'special training' te tuni 20 October 2023 zinglam dak 10:30 am in Khochung camp ah passing out parade nei ua, volunteers mi 480 in kichiamna (kasam) ne uhi.
- ✓ ITLF Relief & Medical akipan kiza dan in frontline duty post 83 a volunteer-te nek-le-dawn ding kalkhat sung in Rs 5,14,500 seng gige uh ahih dan zak in om hi. Tua ban ah medical wing in frontline mun tuamtuam a kal teng phial in medical check up leh damdawi hawm zel uhi.

UPDATE TILL 20 OCTOBER 2023



146
CONFIRMED DEATHS



200
VILLAGES BURNED



7000+
HOUSES BURNED



360
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: ITLF Secretariat, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch